

EDIDOMO MBUQTIDEM

James 1:1-21; 1 Peter 1:1-9; 4:12-19

QYQHỌ UKPEP-ŃKPỌ 448

Eke Ikọ Owo

IKỌ IBUOT: “Ọfọfọn ye owo eke ọsọñode ada ke idomo, koro ke ema ekedomo enye efiok ete ọfọn, eyenọ enye añaña uwem, emi Ọbọñ ọkọñwọñode ndinọ mmọ emi emade Enye” (James 1:12).

I Mfọn-mma Emi Otode Ke Mme Idomo

- 1 Enọ ekọm esọk nditọ Israel emi ekesuande esin ke otu mme idut, James 1:1; 1 Peter 1:1, 2
- 2 Ime ke ini ukut anam nnyin ifọn ima ke Jesus, James 1:2-4 5:11; 1 Peter 5:10

II Owo Esit Iba Inyeneke Iwuk

- 1 Abasi ọnọ mmọ emi eyomde ifiok ke mbuqtidem, James 1:5; 3:13
- 2 Owo emi oyokde ke mbuqtidem ebiet mbufut inyañ, James 1:6-8
- 3 Ikọ Abasi emenere owo nsuhọre-idem onyũ osuhọre owo ñkohore-idem, James 1:9-11

III Nsio-nsio Ikọ Item

- 1 Utip ke ebet mmọ emi esọñode eda ke akpanikọ, James 1:12; 1 Peter 1:3-9
- 2 Idomo iduọ osim owo ke ini idiok udọn atapde enye oduri, James 1: 13-18
- 3 Ọbọñ oyom mme anam Ikọ idighe mme andikokop ikpọñ-ikpọñ, James 1:19-27
- 4 Nnyin inyene ndidara ke adaña emi ibode ufen ke ntak Christ, 1 Peter 4:12-14; Matthew 5:11, 12
- 5 Ikpe editọnọ ke ufok Abasi, 1 Peter 4:15-19.

SE EKPEPDE EBAÑA

Ndibọ Ufen Ke Ntak Ikọ Abasi

James ọnọ Nwede emi esok esien duopeba emi ekesuande edọn ke otu mme Idut. Edi ke ndineñere ntiñ, edi ekọm emi enode esok mme anditiene-Christ ke kpukpru ebiet.

“Enim ete edi ñkpọ ọyọhọ idaresit, nditọ-ete mi, ke ini nsio-nsio idomo esimde mbufo?”. Ikọ emi mme “idomo” etiñ abaña mme ukut ye edidomo. Idighe nditap nsin ke idiok-ñkpọ nte emi nnyin iwakde ndikere mbaña ikọ emi idomo.

Item emi enode mi edi ndinim nte ke edi ñkpọ ọyọhọ idaresit ke ini ibode ufen ke ntak Ikọ Abasi, me ke ini Abasi onyimedede ete nnyin ikut ukut me ibe ke mkpọsọñ idomo emi anamde nnyin ifọn ima ke Christ Jesus. Oro ọwọrọ ete, ke mme idomo edide, fiok ete ke Abasi onyime, man mmọ eda nnyin esim mfọn-mma ifiok ke abaña ebuana nnyin ye Enye.

Kpukpru ini Abasi osuk enyenyene mmọ emi ema ekedomo efiok. Usun kiet oro ke Abasi enyene emi adade odomo nsuk-ibuot nnyin nnọ Enye. Mme idomo enyene usun nte owutde mmemidem nnyin ye nte esit nnyin etiede.

Owo ikemeke ndifiok odudu emi engine enyenede ibohoke edomo enye ese. Edu-uwem owo iyarakede kaña, ibohoke enye ada ke idaha ndinam se ifonde, ke ini asua enyikde enye ete anam idiok.

Edohọ ete ke “Abasi odomo owo man enye okoñ ke idaha, edi Satan odomo mmọ man eduọ.”

Edomo Ke Edeme-ikañ

Abasi ọkọdọhọ Satan, ete, “Nte afo omotim ese owo mi Job, ... ọfọn ama, onyũ enen, onyũ abak Abasi, onyũ afara ke idiok?” (Job 1:8). Ndien Satan ama ọbọrọ ete: “nte afo usinke ọkọ ukan enye, ye ufok esie, ye kpukpru se enye enyenede, ukuk? . . . Edi kam nyan ubok fo, tuk kpukpru se enye enyenede; enye iditreke ndikpọñ fi añaña-ñaña” (Job 1:10, 11). Ema emenere ọkọ efep. Job ikọdohoke ite, “Nsinam ñkpọ

emi otibede ɔnɔ mi?” Enye ama ɔduo ke isɔn atwak ibuo onyũ ɔdɔhɔ ete: “Edi Jehovah ɔkɔnɔ, Jehovah onyũ ɔbɔ; ekɔm enyĩn Jehovah” (Job 1:21).

Se nte esit Abasi ekenemde ke ndikut nte Job ɔsɔnɔde ada omum mfɔn-mma esie akama ke ufɔt ata mkpɔsɔn idomo emi okosimde enye! ɔkpɔsɔn ubɔk andidiɔk emi okosimde Job ema ebighi ke anyan ini, edi Job ama omum mbuoɔtidem esie akama; ndien mbemiso idomo emi ebe efep, enye ama ɔdɔhɔ ete, “Koro enye (Jehovah) ɔfiɔkde usuũ eke odude ye ami: enye odomo mi: nyewɔrɔ mbiet gold” (Job 23:10).

Mbuoɔtidem Job ye mfɔn-mma esie ke Abasi ye idorenyin eriset mme akpa-mkpa ama ada edidemere ɔnɔ mme anditiene-Christ ke ofuri emana man oto do mmɔ esɔnɔ emum idorenyin ye mbuoɔtidem ekama ke ini mmɔ ebede ke ikañ-ikañ idomo.

Kpukpru idomo emi osimde eyen Abasi edi se Asiak-usuũ erinyaña esie onyimedede ke abaña ufɔn esie, man anam enye otim ɔfɔn ama ke Christ Jesus.

“ɔfɔfɔn ye owo eke ɔsɔnɔde ada ke idomo, koro ke ema ekedomo enye efiɔk ete ɔfɔn, eyenɔ enye anyanya uwem, emi ɔbɔn ɔkɔnɔwɔnɔde ndinɔ mmɔ emi emade Enye” (James 1:12).

Se Owo Mikwe

“Akanam mbufo ikwe enye, edi emama enye” (1 Peter 1:8). Ediwak ini esito ke ntak emi afo ɔdiɔnɔde owo, esin afo ama enye. Akananam nnyin ikwe Jesus ke enyin ikpɔhidem emi, edi nnyin imɔfiɔk ite Enye ama eyet mme idiɔk-ñkpɔ nnyin efep, ɔtɔ ima Esie ke esit nnyin onyũ ɔnɔ nnyin idorenyin nte ke usen kiet iyekut Enye iso ye iso. Ntak edi oro nnyin imade Enye.

Thomas ikonimke ite ke Jesus ama eset ke mkpa ibɔhɔke ke ini emi enye okokutde Enye ke enyin. Jesus ama ɔdɔhɔ ete: Thomas “sia ama okukut Mi, omonim ke akpanikɔ? ɔfɔfɔn ɔnɔ mmɔ emi mkekwe, edi enimde ke akpanikɔ” (John 20:29).

Eti Ibuot

“Edi edieke owo mbufo ekededi ananade eti ibuot, yak enye ebeñe Abasi, emi ɔnɔde kpukpru owo ke ntarubɔk, minyũ itɔhɔke owo” (James 1:5). Ifiɔk emi ediñwamde ndinam eti-mbuk otim añwaña nnyin ke iyom, man oto do nnyin inim ite edi ñkpɔ ɔyɔhɔ idaresit ke ini idomo, inyũ ikeme ndiyɔ enye ke ntak Jesus.

Ke ini nnyin ikotde Mme Ñke ibuot ita, nnyin ikut ediwak ñkpɔ emi abañade eti-ibuot. “ɔfɔfɔn ɔnɔ owo eke osimedede eti-ibuot, ye owo eke okutde asian” (Mme Ñke 3:13). “Enye edi eto uwem mmɔ eke emumde enye ekama: onyũ ɔfɔn ye mmɔ eke efatde enye” (Mme Ñke 3:18). “Mbon eti ibuot eyedia ubɔn” (Mme Ñke 3:35).

Ke ini Solomon ekenyenede mfina ke abaña nte enye akpakarade idut Israel, enye ama obup Abasi abaña esit-ifiɔk. Ñkpɔ emi ama enem Abasi esit, ndien Abasi ke ndinɔ enye ebeñe esie, inɔhɔ enye se enye ekebeñede ikpɔn, edi ɔnɔ mme uwak edidiɔn efen. James ɔdɔhɔ ete, Abasi “emi ɔnɔde kpukpru owo ke ntarubɔk, minyũ itɔhɔke owo.”

Owo Esit Iba

Edieke oyomde eti ibuot beñe ke mbuoɔtidem, kuyik. Owo emi eyikde ebiet mbufut inyañ emi akade iso onyũ afiakde edem, ndusuk ini enye onim ke akpanikɔ, ndusuk ini enye eyik. “Owo oro okuse ete, imɔ iyebɔ baba ñkpɔ kiet ke ubɔk ɔbɔn.”

Eyighe esiwak ndito unana ediyak ñkpɔ emi odude ke esit nnyin ofuri-ofuri nnɔ Abasi nte enye oyomde. Se ikemede ndibin eyighe ke esit nnyin mfep edi mbuoɔtidem. Ediwak ini ubuene ye ɔkɔi enyene mbuoɔtidem, ke ini mbon ifiɔk etabade enye. “Ntre ke mbuoɔtidem oto ke erikop, erikop onyũ oto ke ikɔ Christ” (Ñwed Mbon Rome 10:17).

Owo esit-iba, nte Andikpep mme Jew okotde, ɔwɔrɔ ete owo emi enyenede ekikere iba, kiet edi eke isɔn emi, eken edi eke Heaven. Enye imaha ndikpɔn ererimbot, inyũ iyakke Heaven aka; edi enye ekeme ndinyene kiet. Enɔ nnyin item ete iwuk enyin ise ubɔn Abasi ikpɔn.

Mme Idomo

Ñwed Abasi etiñ añwa-añwa ɔnɔ nnyin ete ke idomo ke ebet nditɔ Abasi, edi ekpe ye nnyin ete ibɔ mmɔ ke inemesit. “Eso-utara edi eke silver, furnace onyũ edi eke gold: edi Jehovah odomo esit owo” (Mme Ñke 17:3). “Idaha emi kaña kpukpru ntunɔ itiehe inem-inem, edi ababiak; edi ke ukperedem, enye oñwum mfri emem ɔnɔ mmɔ emi ekebede ke nsiñere esie, kpa mfri edisana ido” (Mme Hebrew 12:11).

Akpatre Utip

Jesus ọdọhọ ete, “Ọfọfọn ọnọ mbufo ke adañaemi owo edisuñide mbufo, enyuñ enam mbufo isin-enyin, enyuñ etiñ kpukpru oruk idiok-ńkpọ ke nsu edian mbufo kabaña Mi. Edaresit,edara eti-eti: koro utip mbufo ke Heaven omokpon” (Matthew 5:11, 12).

James ọdọhọ ete, “Enim ete edi ńkpọ ọyọhọ idaresit, nditọ-ete mi, ke ini nsio-nsio idomo esimde mbufo.” Peter ọdọhọ ete, “Ndima, ekuyik ikañ-ikañ idomo eke odude ke otu mbufo, eke etienede mbufo man edomo mbufo efiok, nte edide utibe-ńkpọ ọwọrọ mbufo. Edi adaña nte mbufo ebuanade ke ndutuhọ Christ, ekam edara; man mbufo ekpenyuñ edat esit eti-eti ke adañemi ediyararede Ubọn Esie” (1 Peter 4:12, 13).

Paul etiñ abaña “mfefere ukut nnyin, emi midibighike bighi”, ọdọdiọn anam nnyin inyene nsinsi ubọn eke okponde odobi.

Ñwed Abasi etiñ ọnọ nnyin ete mbuotidem nnyin, ke ema edomo ewut, ọfọn akan gold. Imekeme ndida eme (gold) ndep ekese ńkpọ inemesit ke ererimbot emi ke isua ifañ. Edi mbuotidem nnyin ke ema ekedomo ema ke isua ifañ, eyenọ nnyin ebiet iduñ ke Heaven “eke mikemeke ndibiara, eke ńkpọ misabakere, eke minyuñ ikemeke ndibe mfep.”

MME MBUME

- 1 Nso idi ntak emi ikpabatde ke ńkpọ idaresit ke ini iduode iduk ke nsio-nsio idomo?
- 2 Didie ke edomo mme owo man enam idiok-ńkpọ?
- 3 Nso idi ntak emi iyomde ifiok ke ini idomo nnyin?
- 4 Owo esit iba ọwọrọ didie?
- 5 Nnyin imekeme ndidi ubuene ke mme nti ńkpọ ererimbot emi, edi ke nso ke ikeme ndidi mme enyene ńkpọ?
- 6 Ke mmọn ke Abasi ọtọnọ ubierikpe?
- 7 Edidomo mbuotidem asaña didie ọsọn urua akan eme (gold)?
- 8 Tiñ ńkpọ baña mme inyene ini iso nnyin ke Heaven.